

國家圖書館編

國家圖書館出版

歷代人物傳記 資料彙編

72

國家圖書館編

國家圖書館出版社

歷代人物傳記 資料彙編

72

昭忠祠列傳二集□□□卷

(存二十六卷)(公侯伯爵卷一,官員卷一至九缺卷四)

清抄本

第七二冊目錄

昭忠祠列傳二集□□□卷(存二十六卷)(公侯伯爵卷一,官員卷一至九缺卷四)

清抄本

.....

一

昭忠祠公侯伯爵列傳

乾隆年

班第

七巴克扎布

拉布敦

和起

那木扎爾

傅清

鄂容安

瑪木特



卷之四

2004

新嘉坡中華總商會

班第傳

班第蒙古鑲黃旗人。姓撥爾果特氏。康熙五十六年。授內閣蒙古文中書。陞任。天監五官正。理藩院堂主事。內閣侍讀。內閣侍讀學士。雍正二年。授內閣學士。公中佐領。五年。授理藩院侍郎。十一年。授固山額駙。

賞孔雀翎。軍機處行走。十三年。署工部侍郎。乾隆元年。署兵部侍郎。二年。充

經筵講官。三年。授兵部侍郎。署理藩院侍郎。四年。出任湖廣總督。六年。授兵部尚書。充

實錄館副總裁官。在工機處行走。八年。兼理理藩院事務。九年。以原銜充

經筵講官。十一年署山西巡撫兼提督。是
年十二月授正藍旗滿洲都統。十三年
加太子少保。尋降工部侍郎。署四川巡
撫。十四年授副都統。駐青海。總理軍務。
十五年授都統。移駐西藏。十七年九月
回京。在軍機處行走。管理理藩院事務。
十八年署湖廣總督。於時準夷內亂。人

心離散。都爾伯特台吉策凌及策凌烏巴什等。傾心內向。率衆歸誠。

皇上將整旅輯民。用彰天伐。十九年七月。

命以兵部尚書署定邊左副將軍。班第籌畫機宜。奮勇果斷。十月十二日。先行擒獲。居住阿爾泰之準噶爾烏梁海宰桑三人。戶口千餘。牲畜無算。旋越索爾畢嶺。

入布拉罕之察罕托輝額貝和碩擒準噶爾宰桑庫兒申瑪木特通瑪木特並收厄魯特兵一百五十餘名而麾下未折一兵也奏入

賞世襲子爵授正黃旗領侍衛內大臣二十
年正月授定北將軍四月

賞雙眼孔雀翎五月十四日兵入伊犁達瓦

齊以萬餘衆西走。追躡之於格登山。夜
斫其營。擒台吉二十。宰桑四。宰桑子弟
二十五人。達瓦齊率餘黨二千。諸鄂拓
克兵四千餘。驚竄。追及黎明。悉擒之。賊
棄遊牧。往奎魯克山。走布魯特境。遂領
兵直搗遊牧。擒達瓦齊之叔。暨妻孥家
口。并喇嘛六千餘人。其附近部落如扎

哈沁噶爾旦多爾濟之投誠者。七千四百七十三戶。捷書上。

聞

詔授一等誠勇公

賜寶石頂。杏黃絛朝珠。四團龍補服。先是達
瓦齊竄走布魯特時。參贊大臣阿蘭泰
等。既尾跡追躡。即檄諭布魯特台吉。於

山口處。設卡倫瞭望。六月八日。達瓦齊駐哈什哈爾山口。霍集斯伯克。設伏擒獲。檻送軍營。自達瓦齊獻俘之後。準夷既平。班第留兵五百名。與鄂容安。阿睦爾。爾撒納。駐守伊犁。七月初十日。阿睦爾。撒納。詭言入。

覲負

恩中叛惟

皇上洞燭奸詐密

諭防範而新附夷情易為煽惑臺站之路遂
絕八月二十四日宰桑克什木巴朗等
大肆劫掠進犯軍營班第與鄂容安知
力不敵將退守內地賊復橫截歸路二
十五日巴朗遣諜致其悖詞班第罵賊

力戰孤軍無援。至哈什河之察罕拜姓。
賊圍數重。自度不能免。以將軍印授其
屬富錫爾。間道脫出。手刃數賊而死。事

聞。

上軫悼久之。二十一年七月。櫬歸奉

旨入城。

親臨奠醊。將逆黨阿巴噶斯克什木。即於靈

前獻馘

給與全葬。入祀昭忠祠。謚曰義烈。

御製雙烈詩。序曰。雙烈詩者。例雙忠詩而作也。昔駐藏都統傅清。左都御史拉布敦。誅叛臣朱爾墨特。那木扎爾。以人少力微。二臣死事。然究能鋤元兇而安絕域。故臨奠建祠。並有雙忠之詩。以揚其勲。去歲命定。